



歷代沿革

華圖

同治十年刻于金  
陵懷遠方翔署檢

江陰六氏舊有歷史地志沿革圖實韻編今釋之綱領也惜其未曾合刊兵燹後不可復得近儀徵厲伯符方伯爲補禹貢爾雅職方及五代各圖刊之洵藝林寶玩也惟所益各圖禹貢墨守胡氏雖指頗延先儒之誤爾雅圖題曰爾雅殷制旣與殷制相迂亦於爾雅多疏職方三江卽禹貢之三江又別據國語國策吳越之三江爲之戰國七雄圖按之蘇張諸人所陳形勢輒相齟齬末漢三國題曰疆域志圖按壽書無志故韻編今釋凡三國所建置皆稱晉郡縣是六氏作圖必無三國疆域之篇其稱志圖者蓋亦厲氏據陽湖洪氏三國疆域補志爲之洪志於吳魏疆域屢雜未甚分晰如吳魏各有廬江太守洪志無吳廬江郡故圖亦無之若斯之類未可枚舉此其未能躊躇滿志者也合肥相國旣刊韻編今釋於金陵欲求沿革圖合刊之所以



表先正貺來者意至渥也桂薌亭方伯實董是役以厲刻見商  
爰不揣固陋略加訂正析殷制爾雅爲二增秦郡一圖各繫謬  
論於緙尾惟春秋一圖疏漏亦多篇幅太隘未能悉補須另作  
拓本姑俟異日以此合於六氏諸圖仍未識果無驥服駑驂之  
誚與否然申耆先生懃懃以古地名相期賡續則茲圖爲之兆  
焉也矣

同治十一年歲次壬申孟春旣望懷甯馬徵麟素臣識於金陵  
寓館

歷代地理沿革圖

目錄

禹貢九州圖

殷九有圖

職方九州圖

爾雅釋地圖

春秋列國圖

戰國七雄圖

秦三十六郡圖

漢地理志圖

東漢郡國志圖

三國疆域圖

晉地理志圖

歷代地理沿革圖

目錄

南宋州郡志圖

南齊州郡志圖

北魏地形志圖

隋地理志圖

唐地理志圖

五代職方考圖

宋地理志圖

遼地理志圖

金地理志圖

元地理志圖

明地理志圖

衆

眞

九

州

圖





雍州黑水水經云出張掖  
 雞山南至燉煌過三危山  
 南流入于南海蓋即梁州  
 黑水之上游今不知其處



卷之四 地理志

厖刻三江用康成左合漢爲北江之說夫三江旣入繫於揚州漢水入江已盡於荆境何復於揚言漢水乎且經云彭蠡旣豬三江旣入又云東匯澤爲彭蠡東爲北江是北江明在彭蠡下流何乃倒置經文以求之乎蓋漢人有所謂尋陽九派者其目爲九江雖誤而其實有此水固非課虛叩寂之談水經謂之利水東通大雷其上口酈注謂之青林口卽今之武穴此乃禹蹟之北江所以分江漢合流之勢者也至宋時漸就淤淺乃大興水利塞以圩隄而五百里之巨浸遂失其處夫漢人旣誤其名宋人又失其處無怪求北江不得而言三江者勢如亂絲也彭蠡用漢志水經之說以爲卽今之鄱陽湖不知鄱水與贛水同流旣以贛爲南江又以鄱爲彭蠡不幾以矛陷盾乎玩經文循地脈則樊口內梁子等九十九湖舊說誤以合於雲夢者乃彭

蠡也湖北黃州漢陽二府分界之武湖沙口水經注云荊州界盡於此是揚州界起於此矣舊說皆以黃州府境屬荊大誤漢水東流觸大別山麓折而南入于江漢晉諸儒俱云大別在安豐水經注大別漢東山名是也自李吉甫始誤以漢陽之翼際爲大別顯與經文相戾不可從緣大別在漢東北始能觸漢南入于江若翼際固在漢口西南何能觸漢南入于江也內方漢志江夏郡竟陵縣自注云章山在東北古文以爲內方山水經禹貢山水澤地內方在江夏竟陵縣東北按竟陵在今安陸府天門縣西北是內方亦在漢北舊圖著於漢水之西者誤也經云岷山導江東別爲沱今之荊江荊州之沱也又東至于澧此江之經流卽今之虎渡江也舊圖有荊江而無虎渡非是過九江九江謂湘江也湘江有瀟春耒洙漉漣瀏資汨羅之九派故



曰九江導山曰過九江過其源人過之導江曰過九江過其委  
江過之也宋儒又以洞庭爲九江亦非也洞庭者江南夢澤之  
下流也江北之雲在虎渡荆江之間舊指漢水南北及江南之  
梁子等湖爲雲夢與左傳言雲夢者相齟齬矣以上數條詳見

拙著長江圖說舊又以青海北之烏蘭穆倫河

下流曰大通河

爲雍州

黑水不惟與黑水西河爲雍州之文不合且與至三危入南海  
之迹太相刺謬然雍州黑水今實不知其處姑存水經之說於  
左方以俟知者至以金沙江爲梁州黑水則與黑水之名益不  
相逼按今四川雲南徼外之怒江源出西藏曰哈喇池自池流  
出曰哈喇烏蘇南流經南掌國界入南海西番謂黑曰哈喇謂  
水曰烏蘇此卽梁州黑水所謂夷人不知載籍必不能附會者  
也水經云崑崙在西北河水出其東北陬東南流入渤海舊圖

蓋據元志以亦耳麻不莫刺山爲崑崙謂河行崑崙南先儒嘗  
辨其誤或謂亦耳麻不莫刺山卽積石也凡此數端商訂如左  
馬氏融曰禹平水土置九州舜以冀州之北廣大分置并州燕  
齊遼遠分燕置幽州分齊爲營州亭林顧氏謂幽并營三州在  
禹貢九州之外先儒謂以冀青二州地廣而分之殆非也幽則  
今涿易以北至塞外之地并則今忻代以北至塞外之地營則  
今遼東大甯之地其山川皆不載之禹貢故靡得而詳潛邱閻  
氏以顧氏爲臆度謂先儒知分冀青爲幽并營者以職方言并  
州鎮曰恆山幽州鎮曰醫無閭爾雅齊曰營州故也微二書欲  
於九州之外舉三州之名且不可得況疆理所至哉然又自舉  
舜本紀稱其地北發息慎息慎卽肅慎爲今甯古塔去京師三  
千二百四十二里以見其境界太遠之宜分然則顧氏之說果

非臆度也蓋舜三州其地自在禹貢九州之外惟其名無可考  
先儒遂據職方爾雅適有幽并營之三名因以爲分冀與青爾  
其實職方爾雅自爲職方爾雅不可以羈於禹貢之內以言舜  
十二州也顧氏謂三州在九州之外殊爲有見但不必仍以幽  
并營之名畀之則無轆轤矣

書疏昔夏之方有德也貢金九牧則禹登王位還置九州

嚴  
不  
可

固



